

## **Usinik angallassisinnaanermi akitsuutit pillugit Namminersornerullutik Oqartussat nalunaarutaat nr. 32, 30. september 1993-imeersoq**

Kalaallit Nunaannut, Kalaallit Nunaannit Kalaallillu Nunaanni usinik imaatigut angallassineq pillugu Inatsisartut peqqussutaanni nr. 16, 30. oktober 1992-imeersumi § 6, imm. 2 aamma § 8, imm. 2 naapertorlugit makku aalajangersarneqarput:

**§ 1.** Usinik imaatigut angallassisinnaanermut akuersissummik peqartut nassiussanut angallanneqartunut angallassinermut akiliutigitinneqartunit akiliisassapput.

*Imm. 2.* Aningaasat, assartukkap isumagineranut, tamatumani ilaallutik usingiarneq usilersornerlu, ullut uninngatitsiffiusinnaasut aalajangersimasut assigisaallu, toqqaannartumik toqqaannangitsumillu akiliutigitinneqartut ilaannit akiliisoqartassaaq. Containerinik, quersuarnik, inissiiffissamik attartornermut tapinullu allanut akiliutigitinneqartunit akiliuteqartoqassanngilaq.

**§ 2.** Assartukkat isumagineranut akiliutigitinneqartup angissusilerneqarnera illuatungeriit pituttorsimangitsut akornanni atugassarititaasunit allaasumik angissusilerneqassappat Akileraartarnermi Pisortaqaarfiup akitsuutit naatsorsornissaannut tunngaviususaaq, illuatungeriit pituttorsimangitsut akornanni atugassarititaasut nammineq aalajangerneqarsinnaasut naapertorlugit angissusilerneqassagaluaruni tunngavigineqarsinnaasussap angeqataanut angissusilersinnaavaa.

**§ 3.** Akiliisussaaitaaneq toqqaannartumik toqqaannangitsumilluunniit akiliutigitinneqartunut makkununga atuutinngilaq:

- 1) Kalaallit Nunaanni illoqarfiup nunaqarfiullu akornanni usinik assartuineq,
- 2) aalisakkanik aalisakkanillu nioqqutissianik Kalaallit Nunaanni nunami aalisakkanik tunisassiorfinni suliarineqartussanik assartuineq,
- 3) aalisakkat aalisakkanillu nioqqutissiat umiarsuup tunitsiviup nunaqarfinnut isorliunerusunullu tunisaanik, tassannqalu assartorneqartunik assartuineq,
- 4) Kalaallit Nunaanniit usinik nassiussanik Danmarkimi, Savalimmiuni nunaniluunniit allani umiarsualivimmiit nunamut pinqajuusumut assartueqqinneq,
- 5) usinik nassiussanik Kalaallit Nunaannut ingerlatitanik nunamit pingajuusumiit Danmarkimi, Savalimmiuni nunamiluunniit allami umiarsualivimmut assartuineq, aamma
- 6) ingerlatsiviup imaluunniit inuup sanaartugassaanut atortussanik assigisaannillu Kalaallit Nunaanni illoqarfimmut ingerlatsiviup imaluunniit inuup angerlarsimaffianut, tassangaaniilluunniit imaluunniit illoqarfimmut qanittuaniittumut, tassangaaniilluunniit assartugassanik assartuineq, assartuineq umiarsuakkut nalinginnaasumik akiliuteqartitsilluni usinik assartuutaanngitsukkut ingerlanneqarpat.

**§ 4.** Akitsuutit akiligassanngussapput usit umiarsuarmut assartuinermi akitsuutinik akiliisussaaitaasumut nassiussatut tunniunneqarnerini.

*Imm. 2.* Usinik imaatigut assartuisinnaanermut akuersissummik peqartup akitsuutit

qaammatikkaartumik naatsorsortassavai, qaairanatillu akiligassanngorfiisa tulliaa 30-ani kingusinnerpaamik Akileraartarnermi Pisorta qarfimmu akilerlugit.

*Imm. 3.* Nalunaarut imm. 2-mi taaneqartoq, akitsuutit akilerneqarfissaat kingusinnerpaaq ilutigalugu, Akileraartarnermi Pisorta qarfimmu nassiunneqassaaq.

*Imm. 4.* Naatsorsuutit qanoq suliarineqartarnissaat pillugit Akileraartarnermi Pisorta qarfik erseqqinnerusunik aalajangersagaliussaaq.

**§ 5.** Ingerlatsivik imaluunniit inuk piffissaagallartillugu akitsuutinik akiliinngitsoq imaluunniit nalunaarummik tunniussaqaanngitsoq Akileraartarnermi Pisorta qarfimmu peqquneqarsinnaavoq qaammammit ataatsimit sivikinnerusunik piffissaqarluni nalunaaruteqartarnissaanut.

*Imm. 2.* Aammattaaq ingerlatsivik imaluunniit inuk piffissaagallartillugu akitsuutinik akiliinngitsoq Akileraartarnermi Pisorta qarfimmu peqquneqarsinnaavoq akiliinissamut piffissarititaasumit § 4, imm. 2-mi taaneqartumit sivikinnerusunik piffissaqarluni akiliisarnissaminut, aammalu piunaffigineqarluni akiliinissamut qularnaveeqqusiinissamik.

**§ 6.** Usinik imaatigut assartuisinnaanermut akuersissut atorunnaarsinneqarsinnaavoq akitsuutit arlaleriartumik piffissaagallartillugu akilerneqartarsimangippata.

**§ 7.** Nalunaarut piffissaagallartillugu nassiunneqaanngippat imaluunniit ingerlatsiviup inuulluunniit akitsuutinut akiligassaasa annertussusaat ingerlatsiviup imaluunniit inuup naatsorsuutai tunngavigalugit naatsorsorneqarsinnaanngippata, Akileraartarnermi Pisorta qarfiup akitsuutinut akiligassat missingersuusiornikkut angissusilersinnaavai.

**§ 8.** Nalunaarut una naapertorlugu Akileraartarnermi Pisorta qarfiup aalajangiineri qaammatit pingasut qaangiutsinnagit Naalakkersuisunut ingerlateqqinneqarsinnaapput.

*Imm. 2.* Naalakkersuisut aalajangiineri qaammatit pingasut qaangiutsinnagit eqqartuussisunut suliassiissutigineqarsinnaapput.

**§ 9.** Nalunaarut una naapertorlugu Akileraartarnermi Pisorta qarfiup nakkutilliinissaanut aalajangiinissaanullu atugassanik Akileraartarnermi Pisorta qarfiup qinnuteqarneratigut pisortat oqartussaasut paasissutissanik sunilluunniit nalunaaruteqartassapput.

**§ 10.** Usinik imaatigut assartuisinnaanermut akuersissummik peqartup akitsuutit akilerneqarnissaat akisussaaffigaa.

**§ 11.** § 4, inun. 2-mi 3-milu aanuna § 5-imi aalajangersakkanik unioqqutitsineq akiliisitsinermik pillarneqaatissiissutaasinnaavoq.

**§ 12.** Nalunaarut ullormi 1. oktober 1993-imi atuutilissaaq.

*Imm. 2.* Tamatumunnga ilutigitillugu usinik angallassisinnaanermi akitsuutit pillugit nalunaarut nr. 31, 17. december 1992-imeersoq atorunnaarsinneqarpoq.

Emil Abelsen

/

Kaare Hagemann